

საჯარო სამართლის იურიდიული პირის – ივანე ჯავახიშვილის სახელობის თბილისის სახელმწიფო უნივერსიტეტის მედიცინის ფაკულტეტის საბჭოს (08.08.2025)

გადაწყვეტილება

საჯარო სამართლის იურიდიული პირის – ივანე ჯავახიშვილის სახელობის თბილისის სახელმწიფო უნივერსიტეტის მედიცინის ფაკულტეტის ხარისხის უზრუნველყოფის სამსახურის უფროსის არჩევნების გამოცხადების შესახებ

საჯარო სამართლის იურიდიული პირის – ივანე ჯავახიშვილის სახელობის თბილისის სახელმწიფო უნივერსიტეტის მედიცინის ფაკულტეტის საბჭო ადგენს:

1. გამოცხადდეს კონკურსი სსიპ – ივანე ჯავახიშვილის სახელობის თბილისის სახელმწიფო უნივერსიტეტის მედიცინის ფაკულტეტის (შემდგომში „ფაკულტეტი“) ხარისხის უზრუნველყოფის სამსახურის უფროსის თანამდებობის დასაკავებლად კანდიდატის შერჩევის მიზნით.
2. კანდიდატთა რეგისტრაცია დაიწყოს სსიპ – ივანე ჯავახიშვილის სახელობის თბილისის სახელმწიფო უნივერსიტეტში 2025 წლის 17 ივლისის 10:00 საათიდან მედიცინის ფაკულტეტის კანცელარიაში, მისამართი: ქ. თბილისი, ბელიაშვილის ქ. №78, ოთახი №330.
3. კანდიდატთა რეგისტრაციის ბოლო ვადად განისაზღვროს 2025 წლის 24 ივლისი, 17:00 საათი.
4. არჩევნები ჩატარდეს 2025 წლის 5 აგვისტოს, 16.00 საათზე, ფაკულტეტის საბჭოს სხდომაზე ღია კენჭისყრით.
5. არჩევნებში მონაწილეობის უფლება აქვთ თსუ-ს მედიცინის ფაკულტეტის პროფესორებსა და ასოცირებულ პროფესორებს.
6. პრეტენდენტმა უნდა წარმოადგინოს:
 - 6.1 განცხადება ფაკულტეტის საბჭოს სახელზე. განცხადებაში მითითებული უნდა იყოს ფაკულტეტის ხარისხის უზრუნველყოფის სამსახურის უფროსის თანამდებობის დაკავების მსურველი პირის ვინაობა, საცხოვრებელი მისამართი, საკონტაქტო ტელეფონის ნომერი, ელ.ფოსტის მისამართი, სასურველი თანამდებობის ზუსტი დასახელება.
 - 6.2 განცხადებას თან უნდა ერთვოდეს:
 - ა) ცნობა დაკავებული აკადემიური თანამდებობის შესახებ;
 - ბ) უნივერსიტეტის ხარისხის უზრუნველყოფის სამსახურის უფროსის წარდგინება;
 - გ) ფაკულტეტის ხარისხის უზრუნველყოფის სამსახურის განვითარების ოთხწლიანი სამოქმედო გეგმა;
 - დ) ავტობიოგრაფია (CV);
 - ე) პირადობის მოწმობის ასლი;
 - ვ) ცნობა სქესობრივი თავისუფლებისა და ხელშეუხებლობის წინააღმდეგ მიმართული დანაშაულის ჩადენისთვის ნასამართლეობის შესახებ.

7. ფაკულტეტის ხარისხის უზრუნველყოფის სამსახურის უფროსის თანამდებობის დასაკავებლად კანდიდატი რეგისტრირებულად ჩაითვლება, თუ იგი წინამდებარე განცხადების მე-3 პუნქტით დადგენილ ვადაში მედიცინის ფაკულტეტის კანცელარიაში სრულყოფილად წარადგენს ამავე განცხადების 6.1 და 6.2 პუნქტებში მითითებულ დოკუმენტაციას.